

Aðalfundur Sæljóns,

haldinn 19. september 2018 samþykkir eftirfarandi:

Tillögur til 34. aðalfundar Landssambands smábátæigenda

1. **Strandveiðar**

Aðalfundur Sæljóns skorar á stjórnvöld að veiðitímabil strandveiða verði frá 15. mars til 15. september ár hvert á öllum veiðisvæðum. Innan þessa tíma megi hver bátur velja sína daga til róðra, eða alls 48 veiðidaga á tímabilinu. Með þessu verður meiri jöfnuður á milli svæða með tilliti til fiskgengdar á grunnslóð og öryggi sjómanna vex.

2. **Svæðisskipting strandveiða**

Aðalfundur Sæljóns lýsir yfir ánægju með framkvæmd strandveiða á nýliðnu tímabili og skorar á stjórnvöld að í breyttu kerfi strandveiða verði svæðisskiptingu við strandveiðar breytt m.a. með því markmiði að Akranes verði skilgreint með vestursvæðinu og flytjist yfir á svæði A.

3. **Veiðigjald**

Aðalfundur Sæljóns mótmælir harðlega álögðu veiðigjaldi og krefst þess að það verði endurskoðað.

Greinargerð

Veiðigjaldið er skattlagning og skattlagning verður að vera réttlætanleg, svo sá sem hana greiðir láti sig hafa það, þó súrt sé. Forsendur fyrir útreikningi eru rangar og þess vegna þarf ekki að spyrja um útkomuna.

4. **Undanþága á veiðiskyldu í alvarlegum veikindum**

Aðalfundur Sæljóns ályktar að Landssamband smábátæigenda óski eftir því að sjávarútvegsráðherra fái heimildir til að geta veitt undanþágu á veiðiskyldu þeirra aðila sem lenda í alvarlegum veikindum eða óhöppum.

5. **Makrílveiðar**

Aðalfundur Sæljóns telur að hlutur smábáta í makrílkvótanum við Ísland eigi að vera að lágmarki 16.000 tonn. Fundurinn harmar stjórnun þessara veiða sl. ár og lýsir vanþóknun sinni á þeim vinnubrögðum sem notuð voru við ákvarðanatöku að veiðunum.

6. **Grásleppuveiðar**

Aðalfundur Sæljóns mótmælir harðlega enn og aftur þeirri ákvörðun að loka svæðum að fengsælum miðum við grásleppuveiðar í Faxaflóa vegna æðarvarps. Fundurinn krefst þess að 4. málsgrein 9. greinar í reglugerð um hrognkelsaveiðar nr. 202 frá 4. mars 2016 verði tafalaust felld úr gildi.

Greinargerð

Fjórir æðarbændur nýta varp á litlum hluta þessa svæðis en hafa náð með „lobbýisma“ að koma þessu banni í gegn. Benda má á að athugun fór fram á fjölda æðarfugla sem komu í net, en þessi athugun var framkvæmd af sérstökum eftirlitsaðila utan þeirrar skráningar sem grásleppusjómenn sjálfir skrá.

Fundurinn telur að skoða þyrfti breytingar á skipulagi grásleppuveiða er gengu út á það að öll landsvæði byrjuðu veiðar á sama tíma. Þá telur fundurinn að Landssamband smábátæigenda eigi að þrýsta á að hrognakaupendur gefi út verð sín viku áður að vertíð hefjist.

7. **Áform um kvótasetningu grásleppuveiða**

Aðalfundur Sæljóns leggst gegn áformum stjórnvalda um að kvótasetja veiðar á grásleppu. Ljóst er að við kvótasetningu veiðanna munu aflaheimildir færast á færri hendur og nýliðun við veiðarnar mun verða erfiðari en nokkru sinni fyrr.

8. **Humarveiðar í gildrum samhliða þróun á veiðum, vinnslu og markaðsetningu grjótkrabba**

Aðalfundur Sæljóns vill kanna möguleika þess að heimila hamarveiðar í gildrum í Faxaflóa samhliða veiðileyfi á grjótkrabba.

Einnig skorar fundurinn á stjórnvöld að huga alvarlega að skaðsemi trollveiða á humri á lífríki sjávar. Út frá rannsóknum á skaðsemi trollveiða liggur það í augum uppi að ekki verði hægt að bjóða náttúrunni upp á slíkar aðfarir til lengdar.

Humarveiðar í gildrum lágmarkar áhrif á lífríki hafsins og eykur nýtingu auðlindarinnar til muna.

Greinargerð

Grjótkrabbi er ný nytjategund innan veiðilögsögu Íslands og finnst hann nú í miklu magni í Faxaflóa. Ljóst er þó að löng og kostnaðarsöm þróunarvinna er framundan í veiðum, vinnslu og markaðssetningu á grjótkrabba áður en nýting á honum verði arðbær. Ómögulegt er fyrir smábátæigendur að standa straum af kostnaði við slíka þróunarvinnu.

Með því að heimila hamarveiðar í gildrum upp að vissu marki samhliða veiðum á grjótkrabba væri hægt að dekkja hluta þess kostnaðar og hvetja útgerðarmenn til frekari þróunarvinnu við nýtingu á grjótkrabba, sem í framtíðinni yrðu sjálfbærar og umhverfisvænar veiðar.

9. **Sérstakt veiðileyfagjald strandveiða**

Aðalfundur Sæljóns skorar á stjórnvöld að fella niður sérstakt gjald á virkjun veiðileyfa við strandveiðar. Afkoma veiðanna býður ekki upp á að þær séu skattlagðar sértaklega umfram gjöld til annarra veiða.

10. **Tillögur starfshópsins að svæðalokunum á grunnslóð**

Aðalfundur Sæljóns mótmælir harðlega nýlegum tillögum að svæðalokunum á grunnslóð í Faxaflóa. Tillögurnar ganga að handfæraveiðum dauðum í Faxaflóa. Það má aldrei verða að sjávarútvegsráðherra geri slíkar tillögur að sínum og útrými þar með að stórum hluta vistvænum veiðum í Faxaflóa.

